

Pregled Dokumentata| Broj 12/25

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 12/25

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 30. i 43. Zakona o radu ("Službene novine Federacije BiH", broj 26/16, 89/18, 44/22 i 39/24) Vlada Kantona Sarajevo, na 99. vanrednoj sjednici održanoj 13.03.2025. godine, donijela je

UREDBU**O IZMJENAMA I DOPUNAMA UREDBE O SADRŽAJU, NAČINU VOĐENJA I ČUVANJA PERSONALNIH DOSIJEJA ZAPOSLENIH U ORGANIMA DRŽAVNE SLUŽBE KANTONA SARAJEVO****Član 1.****(Izmjena člana 1.)**

U Uredbi o sadržaju, načinu vođenja i čuvanja personalnih dosijea zaposlenih u organima državne službe Kantona Sarajevo ("Službene novine Kantona Sarajevo", broj 28/21) u članu 1. stav (4) mijenja se i glasi:

"(4) Pod zaposlenim u organima državne službe podrazumijevaju se državni službenici, namještenici, rukovodioci samostalne kantonalne uprave i samostalne kantonalne upravne organizacije, rukovodioci kantonalne uprave i kantonalne upravne organizacije koja se nalazi u sastavu kantonalnog ministarstva, savjetnici nosilaca funkcija, rukovodioci stručne i druge službe koju osniva Vlada Kantona Sarajevo, članovi Skupštine Kantona koji su u radnom odnosu, članovi Vlade Kantona, kantonalni pravobranilac i zamjenici kantonalnog pravobranioca."

Član 2.**(Izmjene i dopuna člana 4.)**

(1) U članu 4. stav (2) tačka a) riječi: ", odnosno izvod iz matične knjige vjenčanih za uposlenice koje su udate" se brišu.

(2) U članu 4. stav (2) tačka h) riječi: "Zakonom o radu ("Službene novine Federacije BiH", broj 26/16 i 89/18) (u daljem tekstu: Zakon o radu)" zamjenjuju se riječima: "zakonom kojim se uređuju radni odnosi u Federaciji Bosne i Hercegovine".

(3) U članu 4. stav (2) tačka i) mijenja se i glasi:

"i) uvjerenje o podacima evidentiranim u matičnu evidenciju nadležnog organa penzijskog i invalidskog osiguranja;"

(4) U članu 4. stav (2) tačka j) se briše, a dosadašnje tač. k) i l) postaju tač. j) i k).

(5) U članu 4. stav (2), u dosadašnjoj tački k) koja postaje tačka j), riječi: "članom 28. Zakona o radu" zamjenjuju se riječima: "zakonom kojim se uređuju radni odnosi u Federaciji Bosne i Hercegovine".

(6) U članu 4. stav (3) mijenja se i glasi:

"(3) U personalni dosije članova Skupštine Kantona koji su u radnom odnosu unose se dokumenti na osnovu kojih se dokazuje izbor za člana Skupštine Kantona, te sljedeći dokumenti:

- a) izvod iz matične knjige rođenih,
- b) uvjerenje o državljanstvu,
- c) diploma ili svjedočanstvo o završenom obrazovanju,
- d) dokaz o prebivalištu,
- e) uvjerenje o podacima evidentiranim u matičnu evidenciju nadležnog organa penzijskog i invalidskog osiguranja i
- f) ostali lični dokumenti iz tačke k) stava (2) ovog člana."

(7) U članu 4. iza stava (3) dodaje se novi stav (4) koji glasi:

"(4) U personalni dosije savjetnika nosilaca funkcija unose se dokumenti kojima se dokazuje ispunjavanje posebnih uslova propisanih pravilnikom o unutrašnjoj organizaciji za radna mjesta savjetnika nosilaca funkcija, te dokumenti iz člana 4. stav (3) tač. a) do f) ove uredbe."

Član 3. (Izmjena člana 5.)

(1) U članu 5. stav (1) tač. k) i l) se brišu, a dosadašnje tač. m), n), o), p), r), s), t) i u) postaju tač. k), l), m), n), o), p), r) i s).

(2) U članu 5. stav (1), u dosadašnjoj tački n) koja postaje tačka l), riječi: "po osnovu članstva u komisijama," se brišu.

Član 4. (Izmjene člana 6.)

(1) U članu 6. tačka d) interpunkcijski znak "tačka-zarez" zamjenjuje se interpunkcijskim znakom "tačka".

(2) U članu 6. tačka e) se briše.

Član 5. (Izmjena člana 7.)

U članu 7. uvodna rečenica mijenja se i glasi:

"U odjeljku D se vode dokumenti o ocjenjivanju rada, nagrađivanju i završenim edukacijama, i to:".

Član 6. (Izmjena člana 9.)

(1) U članu 9. stav (1) mijenja se i glasi:

"(1) Personalne dosjee državnih službenika i namještenika ministarstava Kantona Sarajevo, izuzev Ministarstva unutrašnjih poslova Kantona, rukovodioca kantonalne uprave i kantonalne upravne organizacije koja se nalazi u sastavu kantonalnog ministarstva, izuzev u sastavu Ministarstva unutrašnjih poslova Kantona, savjetnika nosilaca funkcija, članova Skupštine i Vlade Kantona Sarajevo i državnih službenika i namještenika u stručnim službama koje osniva Vlada Kantona, vodi Stručna služba za zajedničke poslove."

(2) U članu 9. stav (4) riječi: "Zakonom o zaštiti ličnih podataka ("Službeni glasnik BiH", broj 49/06, 76/11 i 89/11 - Ispravka) zamjenjuju se riječima: "zakonom kojim se uređuje zaštita ličnih podataka u Bosni i Hercegovini".

Član 7.
(Izmjena i dopuna člana 14.)

U članu 14. stav (1) na kraju teksta, interpunkcijski znak "tačka" se briše i dodaje se tekst: "i potvrda potpisana od strane zaposlenika da mu je dostavljena fotokopija objave osiguranja - Obrazac JS3100.".

Član 8.
(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-8597-3/25
13. marta 2025. godine
Sarajevo

Premijer
Nihad Uk, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (<mailto:sllist@sllist.ba>)

Kontakti

Centrala
Tel: 033/722-030

Email (<mailto:info@sllist.ba>)